

Guangjshih Minzcuz Bau

ganhhau: CN45-0036 B.2017 Nd.11 Ng.15 liggaeuq dingyoux nienz ndwengouj ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3299期

Denhdwnj Hailaeb Cienbanj Minzcuz Saehmoq Doigvangq Yungh Sawcuengh

天等县开设新闻民族专版推广使用壮文

Ndwen 11 ngoenz 3, 《Denhdwnj Ngoenzneix》 aen cienbanj minzcuz saehmoq cingqsik caeuq bouxdog raennaj, hong vah minzcuz gyalai diemjrongh moq.

《Denhdwnj Ngoenzneix》 bause bi 1999 gozging laebbanh, cujyau dwg senhconz gak hangh fuengcim cwngcwz dangj, fugsah daengx yienh song aen vwnzmingz hwnjguh. 《Denhdwnj Ngoenzneix》 dwg bauqceij ganhvuz guenfueng Denhdwnj Yen, youz Denhdwnj Yenveij Senhconzbu bien okbanj, moix singhgiz it, haj okbanj.

Vih cungfaen fatok gij cozyung

senhconz meizdij, bangrenz hong minzcuz, ginggvaq Denhdwnj Yenveij Senhconzbu caeuq Denhdwnj Minzcunghgiz cungfaen sienggingeiz caeuq gaenxmaenx caepcawq ca mbouj geijlai song ndwen, youq mboengqneix lienzhab doiok cienbanj minzcuz saehmoq. Youz yenveij senhconzbu fucwz soucomz saenqsik saehmoq, dajveh anbaiz banjmienh caeuq yaenq fathengz, Denhdwnj Minzcunghgiz fucwz hong fanhoiz Cuengh Gun song cungj saw. Ndwen 11 ngoenz 3, 《Denhdwnj Ngoenzneix》 aen cienbanj minzcuz saehmoq cingqsik yaenqfat, yungh Cuengh Gun song cungj saw bauqlwnh

gij saeh Denhdwnj Yen daegsaek canjnieb dajndaem, swnghecanj, cawxgai biek daengj, neix dwg aen yienh neix baez daih' it youq bauqceij ganhvuz guenfueng hailaeb cienbanj(Sawcuengh) minzcuz.

Hailaeb cienbanj minzcuz saehmoq, caenh'itbhouh fungfouq gij caidij doigvangq yungh Sawcuengh, gyoengq vunzlai ndaej rox saenqsik saehmoq doengzseiz, ndaej raen, hag caeuq roxyiuj Sawcuengh, doiq swncienz vwnzva conzdungj Bouxcuengh miz leih, ndaej vunz biengz haenhndei.

(Vangz Souciz/黄寿积)

SIUSIK DINJ

简讯

● Mboengqneix, Bak-saek Si Yougyangh Gih lingjdauj ganbu haeuj mbanj haeuj ranz daengz ranz lienzhaeh bangfuz haiguh hong bangfuz, roxyiuj ranzgungzhoj swnghecanj saedcaeq cingzgvang, sonyinx hwnghat swnghecanj doengzseiz, naj doiq naj caeuq gyoengqde senhconz gij cingsaenz Cibgouj Daih dangj, doengzcaeiz hagsib gij swhsienj moq, moegbiu moq, cwzloz moq "cingcinj vut gungz" Cibgouj Daih baugau daezok haenx, caeuq gij iugouz moq genhgez dwkhingz ciengq vut gungz gungeng haenx, gyalai gij saenqsim vunzlai vut gungz haeuj siugangh.

(Vuz Yiswng)

● Ndwen 11 ngoenz 11 daengz 12, Baksak Si Lingzyinz Yen banh gaiq daihsam hoh fungsou baenzdauq minzsuz diyzuz hozdung, yinx ndaej aen daibyauijdui aen hezvei seizdoeng dajcaemx daengx guek gak dieg caeuq vunzlai dangdieg 1000 lai boux camgya, gyoengq boux camgya hozdung youq ndaw Dahswuij youz raemx gaeb bit, youq ndaw naz doxdax gaeb bya, yienhcieingz nauhyied raixcaix, yinx ndaej baenz fanh vunz bae yawjngonz.

(Cuz Youjvei)

● Bineix daeuj, Denz-yangz Yen cungfaen fatok gij "song daiq" yauqwnq dangiyenz lajmbanj daiqdaez baenz miz, daiq vunzlai baenz miz, doeng-gvaq cingjhab swwhyenz gungganq 200 aen gihdi guhyienh dangiyenz cauhenieb, bangfuz ranzgungzhoj haenqrenz hwnghat vaiznoh, yiengznoh, gaeq, ndaem mak daengj daegsaek "sam ciengx it ndaem" canjnieb. Seizneix, daengx yienh laebbaenz douzcanj gihdi 176 aen, gungh sou 1.82 fanh boux vunzlai gungzhoj camgya canjnieb haifat.

(Vangz Cwngyi Maj Nizya)

Gunghcwngz: "Heiq Haeuj Lajmbanj·Haeuj Hagdangz" Senhconz Gij Cingsaenz Cibgouj Daih



恭城:

“戏曲进乡村·进校园”
宣传十九大精神

Ndwen 11 ngoenz 9, Gunghcwngz Yauzcuz Swciyen "heiq haeuj lajmbanj·haeuj hagdangz" daengz Sihlingj Cin Siujoyz, gyoengq hagseng ndaej haeuj gyawj roxnyinh gij yinxdaez heiq. Doenggvaq yienjok hozdung, hawj lauxsae caeuq gyoengq hagseng yawjngonz gij vwnzyi yienjok ndeiyawj, senhconz hagsib le gij cingsaenz Cibgouj Daih dangj, fungfouq le hagdangz vwnzva saedceij, doiq caux ok gij vwnzva heiqfaenh vwnzmingz, cangqheiq, angqyangz, huzndei miz cozyung gaenxmaenx. Ndaw doz dwg bouxyienj youq gwnz daiz yienj heiq.

(Liangz Veih/梁辉 Vangz Limeiz/黄丽梅)

Namzningz Vujmingz Gih Lai Fuengmienh Lienzdoengh Doicaenh Canjnieb Bangfuz

南宁武鸣区多方联动推进产业扶贫

Bineix daeuj, Namzningz Si Vujmingz Gih Cwngzsiengh Cin laebdin saedsaeh, ra cinj roenloh, gaenjdaet hopheux canjnieb bangfuz guh faenzcieng, rengzrwd doicaenh daengx cin hong cingcinj vut gungz hwnghat baenaj.

Gag fatdoengh. Aen cin neix doenggvaq haeuj mbanj haeuj ranz, caeuq ranzgungzhoj "it doiq it" doiqciep, doiq ranzgungzhoj miz dajndaem dajciengx diuzgen saedhengz "it ranz it cwngcwz". Bineix daeuj aen cin neix gungh doeksaed gij ngaenzcienz canjnieb bangfuz 82 fanh maenz, miz 155 ranz ranzgungzhoj laeb dangianq laeb gaj hwnghat dajndaem dajciengx hanghmoeg, ndawde hwnghat dajndaem mak daengj miz 109 ranz,

hwnghat dajciengx vaizcwz daengj miz 86 ranz, saedyienh ranzgungzhoj canjnieb cienzbouh cwgoemq.

Canjnieb daiqdoengh, aen cin neix gaenxmaenx fatok canjnieb daiqdoengh cozyung, baengh ndaw cin bouxguhnaez ciennieb hozcozse, gyaranz nungzcangz, ranz dajndaem lai, aen suen guhyienh nungzyez youqndwi daengj caidij, hwnghat "it mbanj it yiengh", daiqdoengh mbanjgungzhoj, ranzgungzhoj hwnghat daegsaek dajndaem dajciengx. Aen cin neix hengzguh "gunghsw + gihdi + nungzhoh" vunqsik, gyalai gij ligdoh gungganq aen giyez lingxdaez, sonyinx ranzgungzhoj yungh haeujgij hingzsiq, dawz gij cienz daigvanj soqngeg iq haeujgij daengj Suen Mak Mingzmingz, Gyahvo Youhhanz

Nungzyez daengj aen giyez lingxdaez bae, hawj ranzgungzhoj yiengsough "faenhoengz" fukleih, saedyienh laisou baenz miz.

Fugsah doidoengh. Aen cin neix gaenxmaenx ceng'aeu gak loih gij hanghmoeg ngaenzcienz bangfuz doeksaed daengz dieg, hengzguh gak loih bangfuz cwngcwz, vih daegsaek canjnieb hwnghat dwkroengz giekdaej maenhsaed. Doengzseiz gaenxmaenx boiqhab hezdiuz caizcwng, nungzgi, nungzgi daengj bumwnz doiq daengx cin bangfuz canjnieb hwnghat daezhawj gisuz, yungzsw daengj fugsah ndei, vih ranzgungzhoj hwnghat bangfuz canjnieb siucawz youheiq, laeb le saenqsim, gyalai le doenghlig.

(Banh Gveivah)